

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION

DIARIO

E MATUTINO DI ARUBA

DIALUNA 25 MAART 1991

ABONADO PA LUNA AFL. 19,00 ** PA EJEMPLAR 0,80 AÑA10/NO.3290

CUBANO BUSCANDO ASILO POLITICO NA ARUBA

Apertura oficial di Coastal estilo Calle Ocho

ORANJESTAD (AAN): Dia 20 di April lo ta e dia cu e refineria Coastal lo celebra oficialmente su gran apertura. Pa celebra esaki, un comision a ser forma pa prepara tur aspecto di e celebracion aki, cu lo culmina cu un fiesta grandi estilo "Calle Ocho" dilanti entrada principal di e refineria.

Durante un conferencia di prensa cu a ser convoca Diasabra mainta, un relato extenso a ser duna di e festividadnan aki cu lo cuminsa for di Diasabra 13 di April cu fiesta dilanti maingate cu e bandanan Pride y The Aruban Band.

Diadomingo lo bay tin un bike tour familiar cu lo sali for di Coastal, cubri 30 kilometer, y regresa Coastal.

Henter e siman despues lo tin actividadnan deportivo cu lo continua te Diabierna 19 di April. E aspecto unico di e weganan deportivo ta cu nan lo tuma lugar den tur distrito. Lo tin entre otro domino, zaalvoetbal, volleyball, etc. E punto cual a capta hopi interes pe ta e asina yama "hersengymnastiek".

Entregamento di premio lo ta den Douane Club cu fiesta tambe cu Papito y su Doble Sabor. E mesun anochi (Diabierna) Coastal lo tin

un recepcion priva pa su empleadonan den Hyatt Hotel.

E celebracion grandi mes ta Diasabra 20 di April cuminzando di atardi caba. Lo ta presente varios alto dignatario di Aruba y di exterior pa mira e diferente shownan cultural. Tres banda grandi, esta Pride, The Aruban Band cu Claudius Phillips, y Wilfrido Vargas lo percura pa e ambiente di Calle Ocho te cu 1'or di madrugada.

Un di e atraccionnan principal pa e anochi sin duda lo ta e show di "fireworks" (fuego artificial) cu lo dura exactamente 30 minuut, presenta pa Zambelli. Segun DIARIO a compronde, esaki lo bira e espectáculo di fuego artificial di mas grandi te cu awor na Aruba.

Mas den siman DIARIO lo bini mas extenso di e actividadnan grandi cu Coastal tin prepara pa pueblo.

Homber mester a core pa salba su bida

Alerta ayeratardi na Meiveld

ORANJESTAD (AAN): Ayeratardi pa mas o menos 2'or e informe a drenta na Central di Polis cu un persona a worde hinca na un cas situa na Meiveld.

Central di Polis no a perde pa gana, y inmediatamente a notifica tanto patruyanan di polis y di recherche pa acudi na e sitio pa check un que otro.

E prome patruya cu a yega a nota cu tin un persona abao den cura di cas y aparentemente e tabata lesiona. Inmediatamente a pidi Central pa por fabor pone ambulance tuma direccion di e cas aki pa transporta e victima pa hospital.

Mientras tanto recherche na e yega y nan tambe a cuminsa mesora cu nan investigacion. Aparentemente e victima ta gana su pan di tur dia riba su garoshi di palo frieuw manera esaki ta ser yama den boca di pueblo. Pa un of otro motibo el a ser maltrata pa un of dos persona.

Ta asina cu e homber aki a core pa su bida, drentando e cura di cas na Meiveld pa pidi auxilio.

Ambulance a transporta e victima pa hospital, unda el a ricibi



Akinan por mira na momento cu autoridadnan ta papiando cu e dos sospechosonan, mientras riba e otro potret ta claramente visible cu e victima ta kehandi di dolor.

tratamiento medico.

Recherche a aresta na e sitio dos persona sospechoso pa hiba nan warda di polis pa interrogacion den e caso aki. Riba e potret di DIARIO aki por mira recherche y polis ta combersan-

do cu e sospechosonan.

Mientras tanto dofo di trabao di e victima a ser avisa pa busca e garoshi di palo frieuw cu a ser kita pa polis for di canto di caminda pa hiba esaki na un sitio mas sigur.

